

胡文忠公遺集

胡文忠公遺集卷十七

長沙鄭敦謹

湘鄉曾國荃編輯

皖賊上犯官軍援剿獲勝疏

七年五月初二日

督發

臣等迭準江甯將軍都興阿來咨及安徽藩司李孟  
羣稟稱皖省賊匪並力上犯已分道竄入黃梅廣濟  
蘄州蕪水羅田五州縣邊界希圖梗截大營後路並  
以阻遏援皖之師路歧賊眾防不勝防亟應厚集兵  
力以資堵剿等語臣等再四籌商實無可增之兵而

警報紛來不能不移緩就急當抽調記名臬司李續  
賓統帶之湘左營湘右營前仁營一千五百人渡江  
以小池口而以原駐小池口鮑超五營分移孔隴黃  
梅其蘄州羅田一帶則調興國防兵福武寶三營渡  
江應援恭鳳二營繼之又由省調虎營六百人助剿  
李孟羣援皖之師則由羅田直抵英山遏其上竄四  
月十八日同知銜候選知縣李景湖率福營都司金  
殿安率前左寶營守備余雲龍率武營由青石嶺大  
路署蘄州知州彭應鯉都司盧又熊等率羅田勇由  
王家壩小路同攻張家塆賊與青石嶺官軍相持羅

勇抄後夾擊盧又熊督勇接應大勝之斃賊千餘名  
內有偽指揮一名奪獲刀矛旂幟資糧無算十九日  
賊大股來犯福武寶三路分進而賊又分七路來衝  
李景湖率勇直前斬悍賊數名賊稍卻而七路之賊  
漫山遍野竄武二營爲賊隔截李景湖率守備銜藍  
翎千總張鵬高楊高桂把總胡開禮六品翎頂朱大  
倫衝突鏖戰眾寡不敵同時陣亡營勇亦亡二百餘  
名參將張寅恭揮兵迎擊福武寶三營又回兵合攻  
斃騎馬賊二名殺數十名賊始敗退我軍追五六里  
而返二十日參將葉永泰率虎營至二十一日都司

徐統恩自興國率鳳營亦至是日卯刻賊於河北分  
六股河南分入股約萬餘眾官軍各堅壁以待賊數  
次誘戰相持不動日午賊懈始尾追之頗有斬獲二  
十二日賊又分股萬餘由芭茅街竄撲夫子嶺二十  
三日蘄州青石嶺各營因營官戰歿軍中無錢購米  
忍飢一晝夜勇丁稍有潰失其不潰者退保蘄州臣胡  
林翼飛調候補知府邢高魁由興國渡江一面籌運  
米石飭令仍加整頓力扼蘄州又加派都司段清平  
張志超率平超二營一千二百人由省疾趨黃州會  
同署黃州府許賡藻署黃岡縣黎道鈞扼蘄水上竄

之路臣官文先期調襄陽馬隊百人回援因記名副都統舒保有功於襄陽士民遮道挽留遲至四月十五日始率其所部百人起程副都統銜巴揚阿遣散川勇甫抵宜昌檄令迅速回援此四月十八至二十三等日皖賊上犯蘄羅互有勝敗並抽調救援之情形也都興阿駐下游陸家嘴偵知賊竄黃梅縣屬之亭前驛渡河橋一帶隨派多隆阿率馬隊往剿二十日賊分三路各萬餘撲縣城多隆阿同王國才及各營總分路擊之馬隊踰溝越嶺追賊過河毀賊壘二座忽賊由山坳抄我步軍之後我軍回騎渡河策應

斃賊四百餘名內有黃馬褂賊目二名生擒十四名  
奪獲旂械百餘件河橋礮位俱被官兵掀墮水中各  
處賊壘共六十餘座我軍馬步分防相距一百餘里  
策應不便二十二日派鮑超以霆字二營移孔壠李  
續賓以九江三營移陸家嘴而小池口之賊乘閒突  
出經營總巴克坦布參領奇克興阿防禦蘇清阿等  
督隊馳勦都興阿由孔壠督隊接應擒斬頗多先是  
賊伏二三千於蘆葦中而以悍賊數百誘戰官軍由  
江岸遙見蘆葦隱動遂以鎗箭環施馬隊亦由江岸  
橫抄合擊立斃伏賊百餘名生擒九名餘皆帶傷而

逃是夜我軍分百人潛過渡河橋攜帶火彈火箭伏於麥田深處二十四日都興阿督領馬步攻渡河橋多隆阿帶馬隊及霆字前後營並姜玉順黔營密雅明阿帶馬隊及霆字中左右營倭克錦依林同王國才步隊分路齊進賊牆聚數萬隔河對放鎗礮我軍數路齊進同時渡河立破賊營數座賊卽反奔麥田之伏兵見大隊得手卽向各營壘拋擲火彈賊益驚潰乘勢併力連破賊壘二十一座斃賊二千數百名賊壘棚帳盡行焚燬煙焰騰空奪獲騾馬四十餘匹旂幟器械無算尙有賊壘三四十處依山傍水未卽



全燬此次悍賊僞豫天侯陳玉成由桐城率三萬餘  
眾又襲脅皖省飢民數萬併力上竄得此一戰賊氣  
已挫人心稍定此四月二十及二十二二十四等日  
下游馬步各軍移剿獲勝之情形也臣等查武漢克  
復之後該逆無日不思上竄且自江甯桐城安慶至  
於九江千里而遙沿江並無官軍阻截飢民游勇混  
入賊中非合全軍之力不能截遏賊鋒查九江及興  
國各營均已抽撥移駐而寶義平超四營又分赴黃  
州蘄水省城守兵不滿千名添兵則餉無可籌餉竭  
則兵心益渙李孟羣原帶二千五百人昨據稟稱添

募千人乃能由羅田一路馳援廬州惟偵知六安霍  
邱有賊萬餘已至流波磴又舒桐霍邱之賊陸續至  
者亦復不少必須添兵益餉等語臣等接信實深焦  
灼現在楊馘福水師聯布江面尙爲安靜馬隊千餘  
人迭次力戰往來策應頗覺疲勞已飛催舒保巴揚  
阿訥依琿阿各率馬隊兼程馳赴策應除飭各路水  
陸馬步乘勝力攻並查明陣亡弁勇另行獎卹外所  
有同知銜候選知縣李景湖守備銜藍翎千總張鵬  
高楊高桂把總胡開禮六品翎頂朱大倫從戎三年  
忠勇素著此次相隨血戰同時捐軀實堪憫惻可否

仰懇 天恩準將李景湖照知府例張鵬高楊高桂照都司例胡開禮朱大倫照千總例均予從優議卹以慰忠魂謹將抽調省兵及興國防兵赴援蘄州蘄水及馬步官軍移調剿賊獲勝情形謹合詞由驛六百里馳 奏

官文等奏赴援移剿連獲大勝一摺 此次賊出桐城上竄經該督等調援策應疊獲勝仗大挫賊鋒著卽激勵將弁乘勝進攻將續至援賊盡數殲除毋令上竄所有陣亡之同知銜候選知縣李景湖著照知府例從優議卹守備銜藍翎張鵬高楊高桂均著照都司例從

優議卹把總胡開禮六品卹頂朱大倫均著照千總例  
從優議卹欽此 五月初九日內閣奉

再臣等於四月初四日四月二十二日先後準兵部  
火票遞到恭奉 上諭飭臣官文臣胡林翼於襄

樊等處征兵內湊撥一千名派赴河南助剿等因欽  
此遵查河南捻匪屢被擊敗復勾結粵逆竄擾潁上  
楚北房齒相依亟應分兵助剿惟鄂自武漢克復當  
因餉項不支兵勇陸續裁撤以節糜費現在皖賊由  
宿太英霍等處大股數萬人上犯連日調撥馬步各  
軍馳往防剿尙嫌單薄卽省城守兵不過千人襄陽

甫就肅清仍恐漏網餘孽狡焉思逞馬隊全行調赴  
黃州蘄水一帶防堵僅畱候補道唐訓方一軍千餘  
人現因鄖陽尙有餘匪又分去四百人前往搜捕臣  
等再四籌商刻下情形尙難抽撥相應籲懇 天

恩俯念楚皖邊界軍務喫緊未便再分兵力一俟蘄  
水蘄州羅田黃梅等處賊匪擊退再行籌商抽撥斷  
不敢稍分畛域以仰副 皇上埽廓疆圉至意所

有遵 旨覆奏緣由謹合詞附片具 奏

再武漢爲東南樞紐八省咽喉而江西安徽河南尤  
爲切近自古用武之地賊所力爭楚自軍興以來武

昌三陷漢陽四陷其大較也此次大股皖賊分道內  
犯用意至狡籌餉則苦於兵多調兵則又苦於兵少  
下游餉項積欠五月有餘計數百餘萬兩偶有接濟  
僅敷數日之糧岌岌不支勢難終日安慶桐城六安  
之賊彌山遍野而北岸之前敵可慮瑞州臨江吉安  
之賊負嵎死守而武昌之後路仍虛兼以羅田蕪水  
蘄州黃梅廣濟麻城路路可通防不勝防兩岸大軍  
均駐潯皖之境注意東征並非爲湖北設立防兵賊  
之開道內犯實欲搖動東征之師使我軍餉道梗塞  
回顧武漢乃得逞其奸謀也萬一餉竭兵譁江皖豫

三省之賊乘虛而入大局不堪設想就現在情形而論厚集兵力或可力遏兇鋒所患欠餉日久軍心渙散水師馬隊當思竭力保全防兵守兵更宜及時招募蓋鄂居天下之中兵弱則四面受敵兵強則四路均可策應熟慮審思鄂之安危關係東南數省無如兵發之餘加以饑饉民氣凋殘未敢操之過切兼以賊蹤緊逼商民裹足鹽釐各項催收不易合無仰懇皇上天恩俯念鄂中兵餉寔在不敷皖賊現又大至都興阿馬隊楊載福水師李續賓步軍實東南不可少之勁旅請飭下四川山西陝西督撫臣

於每省按月籌撥銀五萬兩務須如數如期委員解楚以濟飢軍以全大局實深迫切感盼之至

武當山竄賊殲除襄鄖肅清疏 五月二十一日

竊查襄匪蔓延節經舒保唐訓方率馬步分路痛剿兜逼於武安堰該匪窮蹙投誠經已陽阿招撫其另股復經舒保唐訓方等殲於張家集白家集並擒逆首高二先等襄陽大致肅清均先後具 奏在案旋

因皖賊六七萬人分犯楚邊襄陽馬步陸續調援北岸而鄖陽餘匪尙遲剿辦經鄖房竹山竹谿沿途各縣會合營汛并已革署房縣事候補同知金玉堂竹



山縣知縣湯一德署保康縣事揀發知縣方兆科署  
興山縣知縣孫寶田暨已革參將佛爾國春等督帶  
團勇隨同各縣文武往返追剿屢獲勝仗多有斬擒  
無如山徑紛歧此挈彼竄臣恐稍遲時日勢復燎原  
卽飭唐訓方率師星夜直趨房竹一帶合兵圍剿該  
匪晝伏夜行於四月十五日麇聚於均州之武當山  
頂是山縣亘數十里懸崖峭壁蹊徑陡絕該匪將山  
路砌斷爲恃險負嵎之計州牧吳嗣仲派勇扼斷山  
前之路其山後西南爲中觀西北爲黃土壩正西爲  
豆腐溝唐訓方捲甲疾趨於四月二十九日抵豆腐

溝絕其後路先是賊竄竹山縣屬之磚柝河等處陝

西撫

臣

曾望顏咨調署延綏鎮總兵龍澤厚自鄧州

起程來剿至是會合楚軍紮營中觀唐訓方以訓營  
之勇賊所素畏乃於豆腐溝多樹訓營旂幟虛張聲  
勢自率勁勇督訓導吳佑棠之勇駐黃土壩守備唐  
蒸雲率右哨合鄉團生員魏寶鑑之勇駐下觀陝兵  
分兩路繼之約山前圍勇聞礮聲悉力進攻畱中觀  
爲賊敗走之路而龍澤厚隱伏所部掩息旂鼓以俟  
之五月初三日五更銜枚齊進破賊二卡而天猶未  
曉也我軍攻第三卡山頂之賊乃大譁鼓角齊鳴如

欲出戰追第三卡破而賊乘屋擲瓦石自壁間放鎗礮以死抵抗我軍轟斃十餘賊懸崖壁立仰攻不能得手其拒我前哨者一踞釣鐘臺一踞燕子峯箭石如雨我勇礮斃匪首沈密匠并礮斷陳老五左臂而賊仍死守自寅至巳攻撲三時之久仍不能入而龍澤厚所部兩路之兵及山前圍勇大至矣其一由下觀進一則繞出山前由南巖踰分金嶺直撲山巔鎗礮環施賊應聲倒者數十名乃蟄伏牆內及石壁間火器難施又踰二時終不能入諸軍就山半食乾糧藉息兵力徹夜圍之賊窮蹙欲西竄見豆腐溝燈煌

煌如火城復退走四更時賊由中觀逸出甫及山腰  
龍澤厚伏兵大起斃賊無數擒四十八名鄉團復擒  
四十九名後出之賊驚而復返時尙黎明也初四日  
辰刻諸勇跟蹤直上徧索新樓高樓天合樓等處無  
一賊蹤知賊踞山巔金頂城諸軍欲力攻唐訓方獨  
以謂金城高而無水賊糧悉屯於外困之賊必自斃  
遂率諸軍分駐於山門之外取賊糧以供食密令投  
誠之張興邦往招之初五日賊首黃大成趙才自縛  
來降唐訓方諭羣賊繳器械並開具賊匪名單交龍  
澤厚點名計二百十八人蓋大股則先日逸出盡爲

龍澤厚伏軍所殲也又訊釋被擄百姓五十八名仍  
將首逆黃大成卽黃老二趙才江服子張起才賈毓  
松牛奎易三元及其餘黨二百餘人悉斬之喪卽股  
匪至是遂無餘孽矣臣查此股匪徒迭經痛剿乃以  
漏網餘生復圖嘯聚經官兵追逼竄踞武當山頂恃  
險抗拒數日之內聚而殲旃實足以彰天討而

快人心唐訓方調度有方機宜悉中龍澤厚不分畛  
域協力會剿均堪嘉尙現在宿松黃梅蘄州一帶賊  
匪聯營各二三十里馬步防剿援應日夜疲勞亟須  
添集兵力當飭唐訓方帶四百人交同知唐協和管

帶添募五百人交吳佑棠管帶仍駐襄樊以資彈壓  
卽令唐訓方馳赴蘄黃防剿兼可遙制興治戒備邊  
防現接安徽藩司李孟羣署羅田縣知縣彭應鯉來  
稟六霍之賊經我軍兩次擊截退回太湖辦理尙爲  
得手舒保巴揚阿等馬隊均到蘄州除飭各軍趕緊  
進剿仍嚴催李孟羣乘勝馳援廬州並另查傷亡弁  
勇分別請卹外所有龍澤厚一軍出力員弁應請  
飭下陝西撫臣查明獎勵其餘在事出力員弁兵  
勇可否由臣擇尤保獎仰候 天恩

再此股土匪先經官兵擊敗旋撲房縣再竄竹山又

分股竄至保康迨保康收復又合房竹之匪撲陷興  
山各該縣文武均以山路崎嶇攻擊驟難得手兼因  
出城堵禦猝不及防以致城池失守雖旋即克復究  
屬疏於防範經臣等查明請旨革職責令防剿

以觀後效在案該參員等於被革之後隨同地方官  
踰山越嶺往返追剿備極辛勤此次聞唐訓方帶兵  
合剿該革員等先期互相邀約並各捐資添募鄉勇  
於山徑紛歧之處嚴密防守更雇鄉夫搬運木石填  
塞要口唐訓方兵到該匪無路可竄乃兜逼於均州  
武當山頂得以掃除淨盡迅速藏事是其勤勞愧奮

尙足以贖前愆可否將已革署房縣事候補同知金玉堂房縣左營游擊文英城守千總鄧德仁署竹山縣知縣湯一德署竹山協副將揀發參將佛爾國春署保康縣事揀發知縣方兆科署保康汛守備千總熊運泰署興山縣知縣孫寶田宜昌左營游擊劉廷麟開復原官之處出自  
皇上逾格恩施謹合詞  
附片具奏

硃批金玉堂湯一德方兆科孫寶田均著開復原官文英等著官文再行察核具奏胡林翼現雖在軍營惟伊本營之將弁可由伊具奏仍應會同總督覘官文有欽差



大臣關防軍務營伍均該督專責若委之巡撫殊非朕  
倚任該督之意也該部知道欽此

閏五月初五日奉

胡文忠公遺集卷十八

長沙鄭敦謹

湘鄉曾國荃

編輯

遵

旨會議懲辦逃兵疏

七年五月二十一

咸豐六年五月二十七日七年三月十三日先後準

刑部咨奉

上諭御史宗稷辰奏請嚴查潰兵一

摺著各將軍督撫將此項逃歸兵丁應如何懲辦之處嚴定章程妥議具奏等因欽此查自粵匪肆逆以來征調頻年協剿備防全資兵力乃各省營務廢弛不明紀律或聞警先逃或臨陣潰散誅不勝誅一經

回營覲然人伍恬不爲怪查定例征兵私自潛逃掣  
獲者斬立決在軍務未竣以前投首者發烏魯木齊  
等處給種地兵丁爲奴軍務告成之後投首者擬斬  
立決奏請 定奪立法本已至嚴罪名無可加重

惟受傷患病迷失路徑落後有因查非有心脫逃在  
軍務未竣以前投首者免罪掣獲者杖一百徒三年  
軍務告成之後投首者亦杖一百徒三年掣獲者發  
烏魯木齊給兵丁爲奴等語詳繹例意逃兵投首分  
別軍務已未告竣爲其有無規避也則在軍務未竣  
以前回營者卽與自首無異惟患病受傷原可請假

調治若竟擅離軍營卽屬咎有應得應請嗣後患病受傷並無軍營咨照擅自回營及投首雖在軍務未竣以前均革退除糧若掣獲並軍務告成後投首及掣獲者均照各本例辦理迷失及落後兩項軍行迅速原不準其逗遛其稱迷失落後相距大營必不甚遠卽應尋覓路徑趕赴軍前復何待於投首應請不分軍務已未告竣但回營者均照軍務告成後投首例杖一百徒三年掣獲者發烏魯木齊給兵丁爲奴若無故逃回卽照例擬斬奏請 定奪如此明定章程庶各營知所警惕而臣竊謂兵勇之強弱惟視

將領爲轉移主將得人三軍用命譬如天君泰定則身之使臂臂之使指百體因而從令誠如 諭旨

將弁私逃尤屬可惡卽應嚴拏正法 臣督師以來無

日不以選將爲急應請 飭下各直省將軍督撫

悉心水陸將才爲 國備干城之選卽爲兵專統馭

之權至地方官失察逃兵隱匿在境及經別處盤獲

吏議森嚴應由各督撫申明處分嚴飭所屬一體嚴

拏懲辦庶足以申軍律而肅戎行是否有當謹合詞

恭摺奏乞

皇上聖鑒訓示

硃批刑部議奏欽此

各路官軍剿辦皖賊獲勝疏 五月二十四日

竊查皖賊分竄黃梅四月二十四日江甯將軍都興  
阿督率馬步剿賊於渡河橋殺賊二千餘人平壘二  
十一座賊氣大挫自是賊營移平就險移小併大意  
在堅守伺我之隙我軍連日進攻賊於壘中施放鎗  
礮五月初五日以後連日陰雨賊於大河鋪迤北依  
山增壘三座十二日賊全數擁出攻撲孔廣順王國  
才方映川及馬隊各營并攻黃梅縣城都興阿在陸  
家嘴聞信卽派多隆阿調齊馬隊取道白湖渡調霆  
營黔營步隊取道濯港赴援營總密雅明阿帶江岸

馬隊爲接應時賊數萬正在攻撲孔廣順王國才各營我軍堅壁不動賊近以礮轟之多隆阿令馬步分兩路進攻賊恃水田泥深馬難馳驟先於要路排鎗抗拒鏖戰多時賊始卻退我軍日暮收隊賊又四面撲出多隆阿揮軍回戰參領西林布都嘎爾等由迤西山坡衝入賊衆披靡我軍追二三里而返比收隊已三更矣計殲賊二百餘名兵勇亦閒有傷亡此五月十二日賊撲黃梅各營都興阿派隊援剿獲勝之情形也其六安霍山之賊自前月我軍克復英山之後日思上竄安徽藩司李孟羣以援皖之師駐紮羅

田境上蘄州張家塆之賊則知府邢高魁統興國防  
兵并山省調往之義寶虎三營合九江調援之仁營  
駐於劉家河以超平二營會署蘄州知州彭應鯉并  
羅田團勇駐分路街五月初四日李孟羣派知府朱  
啟仁等會彭應鯉擊張家塆之賊於分路街勝之初  
五日賊撲獅子口彭應鯉朱啟仁由分路街寒坡石  
袁景衡三路而進並會馬隊由劉公河夾擊又勝之  
賊退踞望天畝青石嶺等處初六日金家鋪賊眾大  
至李孟羣派游擊張得勝由夫子嶺會團紳江樹等  
擊之頗有斬擒初七日賊大出擄掠張得勝合團勇



會擊於黃牛衝擒斬百餘名奪獲鎗礮刀矛多件追至河邊而返初八日兵勇渡河五路分剿賊敗退沿途爲英羅團勇所截張得勝奮追斃賊無算是晚駐軍於英山界初九日張得勝等由樂利河進吳銘謙等由四口塘進巡檢顏培成團紳江樹等率羅勇由金家鋪直下廖新等率英勇由大畈河兜上賊列隊山頭相持四時之久守備陳炳南策馬斬大旗賊一名眾軍齊進賊大潰東竄太湖斃賊千餘名鎗斃賊首高立先並黃衣賊目一名擒五十八名釋脅從並幼孩六十二名我軍亦陣亡十二名受傷三十一名

初十日張家塆之賊犯分路街參將趙鴻舉策馬渡橋都司盧又能暨超平二營分左右齊進彭應鯉率蕪羅之勇四路衝擊追至胡家涼亭斃賊無算奪獲賊米二百餘石賊仍回望天畋十四日探知黃梅大股之賊欲撲獅子口彭應鯉預爲準備十五日賊至我軍分兩路迎擊斃賊二百餘名殺僞三十七檢點一名僞指揮一名賊潰追斬八百餘級超平二營乘勝攻入盧又能繼進破賊三卡賊忽分股來抄都司段清平步行揮刀直前血戰被害適馬隊衝至賊仍回望天畋堅守不出此五月初四日至十五日蕪州

羅田諸軍會合團勇剿賊獲勝之情形也臣查楚皖

兩省之交東則太湖宿松東北則英山霍山六安山

路紛岐防不勝防賊之分路四至實欲牽制我軍使

我不能兼顧彼乃乘隙而入直窺武漢臣於北岸厚

集兵力而尤慮毘連江西之崇陽通城興國大冶乘

我空虛狼奔突至現在副都統巴陽阿舒保馬隊先

後齊抵蘄州臣更調候補道唐訓方一軍合力攻剿

並可遙扼興冶似於防備更爲周密黃梅大河鋪雙

城驛一帶賊營蜿蜒二三十里張家塆之賊又退踞

雙城驛另抽大股橫竄黃梅廣濟賊情甚爲狡譎已

飛飭各軍分路進剿務期肅清邊界使李孟羣拔皖  
之師無虞梗阻而李續賓之軍亦得專意下游力圖  
潯郡除查明傷亡弁勇另案請卹外所有都司段清  
平血戰捐軀實堪憫惻可否仰懇 天恩照游擊

例從優議卹以慰忠魂謹將黃梅蘄羅諸軍連日剿  
賊獲勝情形會同督 臣官文由驛六百里馳 奏

再四月十九日蘄州青石嶺魏家河之戰因賊眾兵  
寡以致官兵勇丁陣亡二百餘名所有同知銜候選  
知縣李景湖等五員業經隨摺請卹其續經查出之  
千總何得升彭得勝把總聶宜春羅登吉外委譚義

時袁集新王得益宋魁元朱文清劉玉勝李金貴徐中元徐守松武生李基玉均係是日同時力戰捐軀情堪憫惻除陣亡勇丁另行查明彙辦外相應奏懇

天恩準將何得升彭得勝照守備例聶宜春羅登吉照千總例譚義時袁集新王得益宋魁元朱文清劉玉勝李金貴徐中元徐守松照把總例李基玉照外委例均予從優議卹以慰忠魂埋合附片陳奏

硃批何得升等均照所請議卹欽此

再 臣於咸豐七年五月十九日承準軍機大臣字寄

咸豐七年五月十三日奉

上諭安徽藩司李孟

羣由湖北帶兵赴援廬州途次克復英山著官文胡  
林翼先速籌銀二萬兩解赴該藩司軍營以資接濟  
等因欽此查李孟羣本年四月奏派赴援廬州起  
程之時籌辦軍裝並先籌一月口糧不下二萬兩迨  
克復英山又於五月內先後籌解銀八千五百兩米  
一千石該司因中途阻梗駐兵羅田所需餉項遵卽  
設法籌運上紓宸厯又臣於咸豐六年四月派  
兵往援江西起程之時除清償積欠外並籌行糧交  
同知曾國華倍道馳援迨經克復城池進圍瑞州之

後又先後解濟軍餉銀三萬七千兩錢五千串經臣

於六年十月初八日附奏在案嗣因瑞州攻剿正

在喫緊餉乏兵飢

臣

又於無可籌撥之中於六年十

二月籌銀一萬兩七年三月籌銀七千兩五月籌銀

五千兩均委員解交瑞州軍營道員吳坤修同知劉

騰鴻彈收支發又道員彭玉麟江西內湖水師餉匱

臣

於七年三月籌銀三千兩黃金一百兩照例抵銀

一千六百兩又五月兩次籌銀六千兩均由駐紮九

江記名臬司李續賓派兵解交道員彭玉麟彈收支

發統計六七兩年除償會國華撥兵積欠四萬不計

外先後共解江西銀六萬九千六百兩錢五千串雖  
車薪杯水在援軍仍屬飢疲而羅掘分支在臣力更  
形竭蹶重以大局所關不敢稍分畛域致誤事機除  
撥解銀兩另飭該營分別造報外所有遵旨籌  
撥安徽藩司軍餉並籌解江西援兵內湖水師兵餉  
緣由謹附片具奏

奏陳九江長圍困賊迭次大勝及水師深入失  
利旋復獲勝疏

五月三十日

竊查布政司銜記名按察司李續賓會同水師自上  
年十二月逼攻九江情形本年正月二十八日會



奏在案李續賓開浚長濠自九江官牌夾迤南而東至白水湖尾計長三十餘里踰山脊四重畱東門大路爲誘戰追襲地濠深二丈寬三丈五尺募夫不足助以本營長夫復慮及上游陸家嘴轉運賊可越琵琶亭而截我糧餉其東達梅家洲湖口縣姑塘等處亂山層疊路曲峯迴尤防伏賊乃於要隘安置大礮並多設偵探晝夜校巡二月初九日掘濠及東面城賊忽出四千餘人跳躍喊吶西面之新壩亦出賊二千餘李續賓急撤濠夫禁諸營勿出隊自率馬步繞出八里坡後崗又設伏於馬宿嶺約以聞坡後礮聲

悉力奮擊計踰兩時賊漸逼近各軍聞礮聲齊出斬  
三百餘級又追殺七百餘名其西面之賊亦經陸師  
何紹彩等會合水師轟斃五百餘名初十日賊復出  
三四千於八里坡西壩亦出賊二三千另伏賊於坡  
後茶庵李續賓令南路西路諸營出戰令東路勿遽  
出自率馬步繞譚家畝楊樹嘴等處先敗其伏仍飭  
蹲伏以待南路之賊初不知其伏之已敗也且戰且  
走甫至坡後伏勇突起東路營亦同時撲出賊大敗  
狂竄回城西路之賊亦潰敗由龍開河入壘四路其  
斃賊千餘名奪獲擡鳥鎗九十餘桿驟馬八匹旂械

無算我軍陣亡藍翎千總毛丁山藍翎把總盧久盛  
外委陳德林三員李續賓見賊連出恐其截我餉運  
乃移湘前營護軍右營駐於官牌夾又因湖水泛漲  
雇小划數十隻統以舢板水陸護送十五日探知安  
慶來援賊七八千人十六日城賊大出約二萬人自  
城之東南以至新壩蜿蜒數里旂幟如林我軍亦依  
次列陣首尾迎擊馬隊從中衝出殪其前鋒二十餘  
名賊不少卻水師從甘棠湖直繞城下轟東路之賊  
官牌夾諸營於湖坪夾擊之西路之賊遂敗復沿湖  
助擊東南營乘勢衝突賊首尾不能相顧自相踐踏

我軍縱橫衝擊田隴湖岸賊屍堆積餘眾狂竄諸營  
尾追及坡下礮子如雨其由城南縋入者我兵以連  
環鎗轟之水師復以大礮攔擊無得脫者共斃賊二  
千餘名傷者無數奪獲騾馬二十一匹黃紅雜色旂  
一百五十餘面我軍陣亡藍翎守備陳德華藍翎把  
總陳文勝外委陳光玉蕭有貴四員自是三月之久  
賊閉伏不出而南岸長濠且告竣矣四月初皖賊數  
萬人號稱十萬分犯蘄州羅田黃梅邊界江甯將軍  
都興阿移師分剿李續賓亦卽分兵渡江駐陸家嘴  
又分軍上援蘄州於是城賊乃逐日出擾憑濠施放

鎗礮我軍禦之互有傷亡李續賓因勻各營憑濠分  
守而自移湘右營駐賽旂嶺并增募元營貞營一千  
人駐嶺之左右聯絡諸營以扼其要其渡江援守之  
仁營亦增募四百人以厚其力五月初十日賊大出  
以悍者踰濠來撲我營李續賓令諸軍勿遽出戰俟  
賊過濠及半以新習之馬隊衝之賊大敗奪路反奔  
擒斬甚眾是日首逆林啟榮親出督陣我軍斃其僞  
檢點指揮各一名蓋賊以分軍渡江竟敢乘虛來犯  
也提督銜鄖陽總兵楊載福以皖賊分竄楚邊黃州  
各屬皆濱江州縣因抽分水師礮船由九江上至蘄

州擇要停泊并飭副將李成謀都司銜守備易景照  
移紮官牌夾港內與副將朱品隆陸營相依五月初  
二日楊載福自至蘄州與候補知府邗高魁計議防  
剿事宜是日辰刻官牌夾水師見賊船數十號上駛  
李成謀等卽時出隊賊分兩路敗竄李成謀從新河  
追之易景照從老河追之會於湖口而湖口賊船二  
百餘號由梅家洲兩岸抄出又另股從扁擔澗包我  
軍船之後其時西南風大起李成謀以長龍船禦扁  
擔澗之賊而自率舢板乘風縱擊賊敗入湖口而不  
知深入賊巢距本營已百餘里矣及回至扁擔澗而

湖口賊船復出尾追扁擔夾賊船沿南岸繞出我前  
李成謀溯流上至小池口而城賊鎗礮齊發我軍逆  
風逆水舟行不速被賊燬沈正右營長龍五號舢板  
五號副後營舢板八號追上游來援已無及矣初三  
日楊載福在武穴聞信星夜回營切責李成謀輕敵  
深入查悉陣亡都司銜守備易景照藍翎守備張宏  
升周德昌守備銜千總會其祥藍翎千總何良玉周  
友交藍翎把總易景安陳棟樑鍾梨先藍翎外委甘  
呈祥附鴻盛擬保藍翎外委周云友翁南書葛有發  
余有才楊復興甘德貴殷德才鄧南山伍德友哨官

文童張名對共二十一員又陣亡水勇一百四十人  
名初四日揚載福親督水師巡江賊以倖勝揚帆直  
拒李成謀衝入奪回舳板四隻擊沈賊船無數遂收  
隊以歸此五月初二日水師深入失利初四日復又  
獲勝之實在情形也臣查九江城賊蟄伏不出我軍  
肉薄攻堅終難得手必須長圍坐困乃可永斷接濟  
惟李續賓原統不過萬人尙闕其東北一路未能合  
圍近以北岸肅清乃可厚集兵力專意潯陽又據楊  
載福咨稱李成謀出隊輕率並自請奏參前來臣



查水師近年以來船礮從無損失李成謀平素忠勇  
戰功尤著此次孤軍深入致有挫失尙於全軍無損  
楊載福先期上巡蘄州會商防剿相離太遠該總兵  
楊載福副將李成謀可否邀免處分出自 皇上

天恩除查明傷亡勇丁彙案咨卹外所有陸師陣亡  
藍翎守備陳得華藍翎千總毛丁山藍翎把總盧久  
盛陳文勝外委陳得林陳光玉蕭有貴水師陣亡都  
司銜守備易景照守備銜千總曾其祥藍翎千總周  
友交藍翎把總易景安陳棟樑鍾梨先藍翎千總甘  
呈祥陶鴻盛均係奮勇捐軀深堪憫惻應請各照原

銜從優議卹又水師陣亡擬保外委周云友翁南書  
葛有發余有才楊復興甘德貴殷德才鄧南山伍德  
友可否均照外委議卹哨官文童張名對可否照從  
九議卹以慰忠魂

謹按疏內邀免處分及請卹各員於閏五月初  
七日接奉

旨準

再北岸之賊目爲陳玉成李壽成勾結皖省捻匪飢  
民號稱十萬自四月以來由宿松太湖英山霍山分  
犯蘄州黃梅廣濟羅田邊界實亦不下六七萬人其

黃梅一路經將軍都興阿翼長多隆阿督飭鮑超等  
五營疊次勦辦五月十八二十二等日救援孔  
廣順王國才各營并連破賊壘七處殺賊三千餘人  
而踞險結寨之賊營尙多仰攻不易我軍精銳微有  
傷亡都興阿以一軍當小池口濯港大河鋪三路之  
衝日夜援應亦極疲勞其廣濟一路副都統銜巴揚  
阿率四營往禦賊已退併蘄州之望天畝合爲一股  
其蘄州之張家塆青石嶺望天畝等處之賊經知府  
邢高魁參將何紹彩等於二十一日勦辦獲勝二十  
六日舒保率馬隊百騎馳往督隊二十七日又大勝

之其羅田一路前已擊退我軍已進紫英山霍山所有各路詳悉情形臣等另案彙奏頃據下游探報翼賊石達開領股匪數萬人於五月二十五日從安慶彭澤分道上行犯揚言分擾湖北并撥江西我軍備多而力分自應併力迅勦力遏兇鋒再臣於本省鹽課牙帖釐金極力籌畫除支應德化黃梅各營軍餉并分濟瑞州劉騰鴻吳城內湖彭玉麟英山李孟羣等處援軍鄂省之力實已竭蹶不遑楚軍深入潯皖之交賊眾兵飢前準部議月撥秦晉蜀三省軍餉各五萬兩尙未報解應懇 皇上天恩密飭山西陝

西四川各督撫臣如數如期迅爲接濟以振飢軍而  
全大局

硃批戶部迅速分催欽此

胡文忠公遺集卷十八終



胡文忠公遺集卷十九

長沙

湘鄉會國荃

補

奏陳久在軍營之道員差次病故懇

恩賜

卹疏

七年閏五月十八日督發

竊前據按察使銜湖北督糧道魁聯稟陳患病情形  
經臣等據情會奏閏五月十二日奉 上諭準

其開缺仍畱辦新關事務欽此欽遵當卽恭錄轉行  
旋據新關辦事隨員卽補同知書芳阿馳稟魁聯嗽  
病日增醫治罔效於閏五月十三日卯時病故並據

該委員聲稱魁聯彌留之際伏枕哀泣有未報

君恩誓效來生犬馬之語魁聯有五子均在京寓其  
隨侍差次僅奴僕數人等情具報前來臣等聞之殊  
深悼惜當飭書芳阿將其身後事宜妥爲料理伏查  
魁聯係內務府正白旗人歷任湖南辰州衡州寶慶  
岳州等知府洊升臬司因在岳州防所患病回省經  
撫臣駱秉章參奏蒙恩以知府降補嗣隨同  
克復漢郡出力渥荷聖慈以道員記名賞  
加按察使銜今春復蒙簡放湖北糧道因先經  
委管新關未卽赴任又值病體加增慮曠職守此魁

聯不得已呈請開缺而臣等以得人辦事之難魁聯  
守潔才長實資倚助不得已而有畱辦新關之請也  
惟念魁聯歷任地方潔已愛民政聲卓著在軍營多  
載實有微勞如前在寶慶任內始以叛逆李沅發等  
之變迅速勦平繼直粵寇鴟張而寶郡爲湘省屏藩  
魁聯練勇齊團力籌捍禦全郡賴以安全嗣帶勇駐  
守岳州幾將兩載以升任臬司仍兼府篆屢值鄰氛  
逼近魁聯防勦嚴密力遏兇鋒以固楚南門戶其節  
次打仗情形均經會國藩駱秉章等奏報在案前  
歲冬閒由德安勦賊東下稔知魁聯熟諳軍旅



奏調來北委令總理營務凡籌兵節餉悉協機宜又  
隨同臣親督行陣躬冒矢石屢抗賊援每操勝算此  
又在湖北軍營效力年餘備嘗辛苦爲臣等所目睹  
者迨今春 奏委管理新關魁聯創始經營漸收濟  
餉便商之效又於總糧臺餉需支絀及牙帖抽釐諸  
務有神時艱無不隨時隨事妥籌辦理任勞怨而不  
辭亦心力之交瘁而自軍營奔馳數載屢著功績其  
積勞成疾之後仍復奮勉趨公未敢藉圖安逸現於  
差次病故雖與臨陣捐軀有間而致身報國之誠  
實較尋常沒於王事者尤爲可憫合無仰懇 聖

恩逾格俯準

聖敕部照軍營立功後病故臬司之

例從優

賜卹則該故員沐

再造於生前復

得銜

殊恩於地下感戴

高厚曷有既極臣

等未敢擅專伏乞

皇上聖鑒訓示遵行謹合詞

具奏

上諭官文胡林翼奏道員在差次積勞病故懇請優卹一

摺按察使銜前任湖北督糧道魁聯在湖北軍營著有  
勞績開缺後仍畱辦新關事務茲因積勞身故殊堪憫  
惻著從優照按察使軍營立功後病故例議卹該部知  
道欽此

閏五月二十七日內閣奉

奏陳黃蘄官軍分路剿賊大勝疏

閏五月二十

四日督發

竊查皖賊分路上犯羅田一股來自英山霍山黃梅  
蘄州之賊來自宿松太湖六安而黃蘄兩路之中山  
徑歧出在在可通一路擊退一路又至防不勝防不  
得不於賊蹤麇聚之處分頭堵剿現在羅田一股已  
於前月擊退安徽藩司李孟羣已出鄂境赴援廬州  
其黃梅之賊踞大河鋪爲巢穴連營二三十里江甯  
將軍都興阿及參將鮑超五營並孔廣順王國才各  
營悉力禦之五月十四五十六十八九等日賊由大河

鋪分竄十里鋪雙城驛鄭公塔官橋清河鋪橫山圖  
等處連犯廣濟兼窺武穴冀截黃梅官軍後路阻我  
餉道都興阿抽派馬步連日分勦提督銜鄖陽總兵  
楊載福曳運舢板於內湖力防武穴均迭有斬擒二  
十日我軍攻大河鋪都興阿先令步隊擊賊於五里  
涼亭又令多隆阿率馬隊及黔勇由西路攻之毀賊  
四壘及賊回顧西路鮑超之五營已乘勢直入破其  
三壘兩路共斃賊千餘奪獲無算是日卯刻賊又分  
股犯廣濟都興阿派訥依琿阿率馬隊會李遇泰督  
勇三路禦之武舉張鵠力戰陣亡副都統巴揚阿率

因營往援而賊已退併蘄州之望天阪二十二日都  
興阿偵知十里鋪相距三里許賊立新營絕我糧道  
卽日督飭馬步平其二壘二十四日多隆阿派都司  
楊朝林率勇五百人並調守備盧玉龍率勇三百人  
修營十里鋪以資轉運工未半而賊夜至偷毀復圍  
撲黃梅縣城我軍悉力禦之賊乃退敗二十五日巴  
揚阿搜剿廣濟之宋河鋪百花園一帶賊突出二千  
餘人馬步奮力剿之擒斬頗多是日我軍重修十里  
鋪之營及午而工已半就移營駐紮戌刻賊復來撲  
我軍鎗礮環施徹夜不斷斃賊無數二十六日賊再

攻十里鋪都興阿親督馬隊多隆阿率鮑超五營馳  
援內外夾攻賊大敗傷斃賊目多名二十八日我軍  
出隊戰於十里鋪自辰至午往來奔突轟斃之賊無  
數是夜賊撤去東北十餘營退紮五祖山麓此五月  
十四至二十八日黃梅官軍連日獲勝之情形也蘄  
州之賊踞張家塆青石嶺爲巢穴知府邢高魁督各  
營會舒保之馬隊何紹彩之仁營駐胡家涼亭蓮花  
庵等處升用知府署蘄州事彭應鯉督練勇會朱啟  
仁之營駐獅子口汪家壩夫子嶺等處五月二十一  
日賊自青石嶺三路來撲另股渡桐梓河約數萬人

邢高魁以前隊誘敵路曲峯迴層層設伏馬隊伏於河側大勝之斬獲千計我軍陣亡哨長鄧慶龍一名二十二日賊自張家塆兩路來撲彭應鯉令練勇千餘力堵夫子嶺而全隊出汪家壩五里外擊之追殺數里其撲夫子嶺之賊亦不戰而退二十四日邢高魁約彭應鯉出隊青石嶺夾攻望天畝之賊二十五日彭應鯉令汪家壩各營赴合節山嚴堵張家塆之賊而以獅子口夫子嶺諸營會同朱啟仁抵青石嶺是日賊分五路來撲鏖戰五時之久賊始退斬羅之勇受傷十餘名二十六日賊由張家塆縱火燒民房

將及合節山彭應鯉督隊分三面夾攻勝之會巴揚  
阿自崇陽橋來偵知前撲廣濟股匪麇集青石嶺陳  
家灣並於河東結壘數座二十七日望天畝賊出十  
餘股分撲胡家涼亭鴨公嘴一帶邢高魁令各營步  
隊於山坳設伏嚴陣待之巴揚阿舒保各率馬隊衝  
突賊陣賊眾披靡有賊首於山巔執旂以麾山後及  
河東之賊大至我軍屹立不動俟其繞出山坳渡河  
者半已登岸矣伏兵突出而以馬隊衝河岸之賊殲  
斃無數墜崖落澗死者尤多二十八日賊出望天畝  
撲夫子嶺彭應鯉飛報邢高魁接應遂會合朱啟仁



督勇於裴家山岡勝之賊回竄而舒保邢高魁等馬步均至又夾攻之賊仍退望天畷賊專意於鴨公嘴在我軍前路之三里許黃土岡增修九壘二十九日賊由河西各負草填我濠溝爲我軍轟退賊列隊河西另以大股出河東與我營對修二壘邢高魁令恭武義三營開大礮隔河轟之賊涉水而來者乘其半渡擊於河而賊築壘如故我軍乃渡河衝殺賊繞山而出舒保馬隊箭無虛發賊乃敗其時我軍盡注對岸而上游兵力已單賊一由河東一出黃土岡乘虛並進我軍兼顧不支適何紹彩率勇自胡家涼亭來

援而下游之馬步亦至合力擊之斃賊千數百名生擒十餘名據供賊目僞丞相唐逆僞指揮黃逆僞軍帥郭逆悉就殲三十日張家塆之賊撲汪家壩彭應鯉約邢高魁出隊合朱啟仁赴合節山迎擊賊踞對山相持半日彭應鯉分二隊上山自與朱啟仁由中路鳴鼓先登肉薄仰攻前隊之勇受傷十餘人矣奮力齊進連斃執旂悍賊十數名騎馬賊四名生擒五十七名賊猶抵拒聞四面喊殺之聲震動山谷則附近百姓鳴鑼助威也賊乃敗竄眾勇追斬二百餘名據生擒之賊供張家塆又添賊萬餘彭應鯉密調羅

田勁勇於閏五月初一日合朱啟仁及蘄州紳勇由僻徑抄襲張家塆之後而自率各勇三路直攻於前。先以鎗礮轟破范家灣後壘諸賊蜂擁前撲不知抄後之勇已被賊巢我軍前後夾擊斃賊二千有奇奪獲鎗礮騾馬旂幟衣物而張家塆之賊壘悉平生擒一百二十一名內有長髮老賊僞指揮僞總制謝亞霖等三名我軍陣亡兵勇十九人受傷五十八人此路旣平諸軍乃得專意於青石嶺。望天畝初二日賊預伏河東後山乘我軍進攻卽由後渡河襲營邢高魁商派寶營義營徑擊河東之伏而舒保馬隊同恭

營武營由西岸巴揚阿馬步出東岸又抽派數十騎  
同仁營由胡家涼亭三路追殺前左營由後山拔應  
賊傾巢而出我軍併力鏖戰而白水阪陳家灣鴨公  
嘴等處復出援賊萬餘兩岸並進余雲龍乃畱二哨  
同邗高魁親兵及福營禦於西岸自率武營同舒保  
馬隊及恭營渡河擊東岸大戰兩時余雲龍策馬大  
呼直搗賊壘兩岸之賊同時俱敗擒斬二千餘逃者  
亦以千計先是何紹彩見賊麕集兩岸隨率正仁營  
徑襲鴨公嘴而密囑仁鳳各營爲策應軍未及壘伏  
賊突出何紹彩以退爲誘將至水田勒馬回擊左仁

右仁及鳳營平營同馬隊分路俱出彭應鯉亦從青石嶺橫截賊回竄不及陷淤泥中我軍就而戮之賊屍枕藉都司黃勝日脇膀受礮傷各營弁勇陣亡數名傷百餘名是日彭應鯉在夫子嶺汪家壩燒賊營三座斃賊三百餘名生擒二十九名初三日大雨溪河漲發兩岸之賊不能相援邢高魁彭應鯉朱啟仁等密約初四日辰刻我軍一由胡家涼亭直攻賊巢一由夫子嶺青石嶺橫攻賊左一由火口坳燒賊之前一由張家塆芭茅街抄賊之後賊大隊萬餘分四五路死拒自辰至未斃賊二千有奇梟水淹斃者無

算生擒一百八十九名河西之黃土岡賊壘盡平初五日我軍卽由上游結筏而渡賊棄營逃竄眾勇分追斬獲無算河東賊壘亦平餘賊退入望天畷白水畷桐梓河等處此五月二十一日至閏五月初五日勘州勦賊獲勝踏毀張家塆黃土岡等處賊壘之實在情形也初六日黃梅之賊數千人突竄廣濟分六路來撲巴揚阿親督馬隊三面擊之斃賊百餘名擒長髮悍賊數名時大雨收隊張家塆黃土岡之賊退竄望天畷桐梓河等處閉伏不出邢高魁會商各營乘勝急攻該處道路逼仄以大礮轟之未能得手探

知桐梓河一帶僞先鋒梅總兒伏匿山谷聞邗高魁  
於初八日晚率練勇並恭營繞道三十里於五更時  
密圍縱火呐喊震天賊固不知我兵之從何至也倉  
皇奔突追殺數百名奪獲大礮一尊擡鎗旂幟數十  
件米麥數百石初十日出隊各路均有斬擒十一日  
各營直逼賊壘邗高魁約彭應鯉朱啟仁率勇至青  
石嶺賊分八股來撲我軍分兵禦之舒保率馬隊東  
西馳騁鎗礮所及賊多應聲而倒偵知山岡下大屋  
數十間伏賊數百先以大礮轟之復以火箭火彈擲  
入煙焰突起羣賊狂竄山頂矢石雨下千總余開泰

外委周如鳳登時陣亡而賊之燒斃擊斃者亦千餘名奪獲器械無算是日賊不收隊軍士以乾糧濟飢至十二日寅刻我軍再以大礮轟擊賊始敗退生擒長髮十九名殲數百名奪獲大礮一尊兵勇戰一晝夜陣亡十三名傷二十九名旬日以來賊匪因皖省乏食誘脅飢民日聚日眾屢圖上犯擄糧我軍分投截擊斬馘頗多現仍且剿且守期速清蕪黃境地臣等查此次皖賊號稱十萬實則七八萬人分竄楚界使我不遑兼顧彼乃乘伺上窺武漢蘄州地處黃梅之上賊踞上游則黃梅廣濟下迄九江在在不能得



力勢必先清蕲州乃可埽蕩黃梅廣濟再合全軍之  
力直注九江現在張家塆黃土岡一帶之賊雖已擊  
退尙未全股肅清臣胡林翼已飛飭道員唐訓方馳  
赴蕲州相機援剿惟探聞石逆拔賊知上游賊鋒已  
挫尙徘徊於安慶彭澤之間是蕲黃之攻剿尤關江  
皖之先機除分檄各路乘勝速剿進攻黃梅直下九  
江外所有尤爲出力之員可否仰懇 恩施準將  
道士沅都司儘先游擊石清吉免補游擊以參將儘  
先補用都司鄭陽和免補都司以游擊儘先補用並  
加參將銜守備銜千總陳德懋免補千總以守備儘

先補用加都司銜藍翎千總陶忠泰黃慶均請免補  
千總以守備儘先補用並均請

賞換花翎都司

銜守備王可升請以游擊儘先補用先換頂戴守備  
楊朝林吳嘉春均請以都司儘先補用先換頂戴楊  
朝林請

賞換花翎藍翎把總趙既發藍翎外委

儘先把總李得勝藍翎外委陳由立可否均請以千  
總儘先補用加守備銜千總姜玉順可否免補千總  
請以守備遇缺卽補又蘄州戰功以何紹彩之仁營  
爲最著前仁營都司朱希廣可否以游擊儘先補用  
加參將銜左仁營藍翎都司黃勝日可否以游擊儘

先補用並請

賞換花翎都司銜守備張松林可

否以都司儘先補用

賞戴花翎哨官六品軍功

梁美材可否超拔千總

賞戴藍翎均候

天

恩以示鼓勵除各路陣亡員弁馬步兵勇另行附片

懇

恩優卹以慰忠魂外所有黃梅蘄州官軍分

路勦賊均獲大勝張家塆青石嶺黃土岡賊壘悉平

各緣由謹合詞恭摺由驛六百里馳

奏

謹按疏內所保各員於六月初十日接奉

旨準

再蘄黃當皖楚之衝山徑紛歧叢雜黃梅一路經都

興阿堵勦兼施其廣濟蘄水蘄州來路賊仍恃以進  
退東擊西竄屢欲截我糧道包我後軍計甚狡毒官  
軍籌防等勦隘口旣多且廣兵力分而愈單現在蘄  
州添駐唐訓方一軍又輔以巴揚阿等馬隊聲威較  
壯而逆情變幻多端屢圖上犯我軍暑熱苦戰實覺  
疲勞馬隊陷陣衝鋒馬多傷斃前經臣等先後添撥  
馬步各軍擇要布置仍咨行都興阿等以力固黃梅  
之守嚴後路之防爲勝算並令水陸各師或分或合  
尤以整齊行陣互相聯絡爲穩著一面責成升用知  
府署蘄州知州彭應鯉齊集羅田練勇以助兵力而

資守禦刻下黃州以上並武漢地方商賈漸多復業  
居民亦甚安堵惟武漢防兵不及千名臣等督飭將  
領勤加訓練收以一當十之效臣胡林翼先擬親赴  
下游查察各軍營壘情形現聞夫子嶺獅子口分路  
街一帶賊眾勇單義寶等營偶有小挫勇丁閒有潰  
退是以臣商囑臣胡林翼卽日馳往查明整理務使  
軍威益振以期迅靖妖氛又馬隊從征日久馬匹換  
補之後復多倒斃臣等已飛咨陝西撫臣在於應撥  
楚餉項下動支代購戰馬五百匹馳解來楚以備調  
撥庶埽蕩漸黃力破九江之後卽可迅速東征會剿

江皖仰慰

宸懷所有籌策前敵並臣胡林翼馳

往下游察看各營壘情形合併附片陳明

奏陳皖賊傾巢上竄擾及蘄水疏六月初十日

竊臣官文前在北岸馬步兵勇將及三萬於克復武漢後撥都興阿馬隊千餘孔廣順王國才石清吉方映川等兵勇四千餘同水師戰船追剿收復黃州郡縣直抵小池口黃梅等處安營其餘兵勇全行遣撤將糧臺歸併省城以節糜費後因宿太賊匪上竄黃梅都興阿撥孔廣順王國才石清吉方映川分路堵剿並扼守黃梅縣城添派副將鮑超帶勇四千圍攻

屢獲大勝賊匪死拒不敢出戰南岸九江經李續賓  
開浚長壕密圍力擊賊勢漸蹙近日江水盛漲楊載  
福水師礮船日夜環攻九江城中及小池口賊壘死  
傷甚眾正在指日可拔之時乃皖省賊匪因年荒糧  
盡野無可掠知楚北春收尙稔褻脅飢民數十萬一  
由黃梅之亭前一由廣濟之大河鋪一由蘄州之張  
家塆一由蘄水之劉公河等處開道上竄石清吉禦  
黃梅之賊孔廣順王國才禦廣濟之賊巴揚阿及署  
黃州府許廣藻助之候補知府邢高魁帶勇四千署  
蘄州彭應鯉帶勇二千江蘇候補知府朱啟仁帶勇

千餘禦張家坊之賊舒保唐訓方帶馬步兵勇禦劉公河之賊皆盡力堵擊凡大小五十餘戰殺賊萬餘而賊勢不衰臣已無可添調之兵勇臣胡林翼將防守省城之寶義各營勇三千餘名派往協助竊惟賊匪裹脅飢民雖皆烏合然進則可圖一飽退則無所得食人同此心是以力擊不退又探聞石逆已至安慶一帶復恭讀閏五月初三日 廷寄諭旨知石逆潛竄江北欲自成一隊則前此探報似屬可信湖北爲上游扼要賊所力爭此次賊竄梅廣一帶崇山複嶺道路紛歧偶有平坦之處又多水田泥淖賊蓋



畏我馬隊之馳驟衝突故出沒於山徑谿壑之中使  
馬隊不能施展步卒亦復艱難或潛出林莽抄我之  
後或伏匿窮谷要我之前我軍東攻西擊蹙後跋前  
兩月以來日日拔營日日出隊奔馳暑雨力倦精疲  
馬匹亦日有倒斃雖斬獲甚多而賊終抵死不退適  
安徽藩司李孟羣已出楚境將朱啟仁一軍調回致  
彭應鯉練勇勢孤挫敗賊遂傾巢上竄飢民附從日  
多閏五月二十七日南勇各營於蘄州之望天畝地  
方開仗獲勝竭力窮追殺賊千餘不意深入險地伏  
賊羣起圍抄又以另股翻山襲我軍之後我軍急退

營壘全失力戰半日又直大雨如注巴揚阿帶馬步  
由蘄水之曹家河赶到應援隊伍已難收束退至蘄  
水舒保帶馬隊奮力大戰一日夜殺賊數百名賊退  
蘄水對河舒保亦紮營相距大隊始徐徐退至巴河  
次日舒保督率馬隊殿後將追賊擊退又經預派駐  
守巴河之左光培水師礮船接應渡過巴河抵黃州  
查點傷亡兵弁收集各營兵勇臣胡林翼先於二十  
三口商同臣慮南勇爲賊多方疲累恐帶兵官不善  
撫馭必須親往督率就近調度卽於二十四日起程  
其暫出省城原由業經臣奏明在案甫抵黃州正值

我軍敗退卽駐黃州整頓收束補葺軍資器械臣卽飭糧臺趕辦軍裝糧餉接濟現已全數收集刪汰疲約束隊伍分紮黃州爲再行進剿之計惟馬步大隊全在九江小池口圍攻喫緊今中路忽爲賊阻不能聯絡省城餘兵不足千名黃州北境道路甚多皆可抄出黃州之上而達漢陽幸當伏汎江湖並漲多阻水之處已飛調水師酌分礮船上駛扼守沿江又飛調雷防襄陽之同知唐協和帶勇八百名來省協助臣胡林翼飛調候補道王鑫同知劉騰鴻自江西來援臣又因李孟羣尙阻英山不能前進餉道阻梗

難以接濟卽調令自羅田返攻蘄水擊賊之尾並資  
行都興阿李續賓楊載福等若賊匪未敢遽然上竄  
下游糧道尙通自以穩固九江小池口營壘爲是或  
分撥馬步相機上援務須妥爲籌畫臣現在設法添  
調兵勇倘前敵再形喫重卽當親往督師扼賊上犯  
之路惟是楚北肅清數月又爲賊竄臣官文臣胡林  
翼調度失宜令窮寇復熾咎所難辭應請 皇上  
一併交部議處所有皖賊竄楚情形謹合詞具陳伏  
乞 皇上聖鑒

上諭官文胡林翼奏賊匪傾巢上竄南勇敗退賊竄蘄水

一摺 湖北爲上游扼要該逆意在必爭此次南勇敗退原因賊勢眾多所至惟該匪裹脅飢民不過烏合之眾似尙不難剿散現在胡林翼已抵黃州收集潰勇補製軍械著卽督率各路兵勇迅將上竄各匪分兵截剿毋令蔓延該大臣等現調水師礮船扼守沿江並調王鑫劉騰鴻由江西援剿自因賊眾兵單不敷調遣之故其李孟羣一軍本係赴援廬州現在已抵英山正宜乘勝進剿若遽行調回則廬州當挫敗之後困守無援必致愈形危迫所有李孟羣一軍著毋庸調回至該營兵餉已諭令廬濟設法接濟矣至大隊官兵圍攻九江小

池口正在喫緊務須察看緩急酌量調撥毋得顧此失彼致九江賊勢復張此次斬擒賊匪已至萬餘南勇敗退係因賊勢太眾官文胡林翼自請議處之處著加恩寬免將此由六百里諭令知之欽此 六月二十三日接準軍機字寄

官軍佈置已定並疊次堵剿獲勝疏 六月二十  
六日督發

竊臣等前以竊太賊匪傾巢上竄南勇久戰力疲敗退黃州等情合詞具奏在案六月初旬臣胡林翼次第收集各營兵勇刪汰簡練分駐三台河及黃州

郡城內外又選派精銳之仁信智三營飭唐訓方何紹彩管帶繞道赴迴龍山遏賊上竄之路相機堵剿臣官文飭巴揚阿舒保帶馬步各軍駐防馬鞍山後路又分飭黃州府許廣藻署蘄州彭應鯉蘄水縣劉綦等督率團勇分道堵扼臣等又因黃州上游沿江之蘭溪巴河樊口團風陽邏沙口爲水路要隘飛咨楊載福派撥水師礮船節節扼守以防賊竄出江偷渡南岸復派多隆阿馬隊方映川步隊紮於武穴之上李續賓分營於官牌夾與楊載福水師環攻小池口賊壘自武昌至九江我軍氣勢聯絡自武穴以上

濱江一帶賊匪未敢竄犯故得江路通行糧道無阻  
轉運米糧器械不至艱虞是以下游各營均未移動  
而都興阿老成之見先曾料及該逆疑我黃梅官軍  
分兵上援必來乘虛偷襲預飭馬步各隊多方準備  
六月初一二等日賊果由蘄廣分股萬餘人直撲黃  
梅十里鋪王國才等營都興阿督同鮑超王國才等  
率馬步兵勇分路迎擊擒斬千餘名賊始敗退初五  
六等日賊在蘄水東北鄉一帶擄掠米糧財物擾及  
黃岡之孫家嘴等處並屢撲三台河營經舒保等督  
率馬步左光培駛駕礮船分投擊退疊有斬擒蘄水



縣劉縉帶勇擊賊於陶家岡望城崗等處擒斬百餘人賊又圖竄羅田麻城經彭應鯉等分督團勇擊於姚家坪何家寨鳳皇潭等處並皆獲勝殺賊二百餘名生擒十八名奪獲黃旗刀矛多件彭應鯉又攻上巴河賊壘獲勝此六月二十日以前堵剿情形也查皖賊以武漢爲必爭之地無日不圖上犯臣前接蘄州之警咨商臣胡林翼全力扼守黃州以固根本臣鎮撫省垣一面於漢陽武昌水陸要隘嚴密佈置其沙口尤爲北岸鎖鑰當調南勇二營以輔水師並在漢鎮上下開濠築壘而於後湖安設師船礮划晝夜

校巡復調荊州滿營兵五百名分駐漢陽卽以張萬  
祿川兵三百駐紮省城外之洪山聲威較壯兩郡居  
民亦尙安堵惟臣等前調李孟羣一軍聞其在霍山  
小有失利勇丁有潰至漢鎮就食者經漢陽府如山  
分別挑選精壯資送回營撤遣疲乏歸籍辦理尙爲  
妥善臣等又委員解銀二千兩閒道赴李孟羣軍營  
接濟現在下游各營整理一新已飛行李孟羣毋庸  
折回仍卽馳援廬州又臣胡林翼前調王鑫劉騰鴻  
各軍亦因撫建賊匪大股回竄圍撲省城未能前來  
先派李續賓之弟李續宜帶南勇三營由瑞州來楚

不日即可行抵興國再由李續賓酌撥一二營協同  
赴黃助剿同知唐協和已自襄陽馳赴黃郡臣胡林  
翼仁字營勇丁多係革員王揆一舊日部民臣現派  
王揆一幫同管帶剿辦可期得力一俟李續宜到後  
臣胡林翼卽當激勵將士合力大舉相機進剿將蕪  
水蘄州各路賊匪悉數殲旃一面會商都興阿等力  
攻九江小池口以期迅速得手振旅東征仰紆  
宸廑外所有武漢黃州佈置穩固及堵剿獲勝情形  
謹會同江甯將軍都興阿恭摺由驛六百里馳奏  
上諭官文胡林翼奏水陸佈置情形並疊次堵剿獲勝一

摺 辦理尙屬周妥李孟羣一軍既可無庸折回其王  
鑫等兵勇前因在吉安剿匪得手諭知耆齡等斟酌情  
形或俟吉安克復再令該員赴楚此時楚北軍情較緩  
且江西先派李續宜南勇到營兵力已敷堵剿所有王  
鑫劉騰鴻各軍著官文胡林翼卽日行文知照耆齡無  
庸折回湖北至蘄水等處賊匪非痛加剿洗不足以杜  
其窺伺九江小池口頓兵日久亦應迅速進攻胡林翼  
到黃州後重振軍威卽督飭兵勇迅速剿辦毋再延  
緩將此由六百呈諭令知之欽此 七月初十日接準軍

機字寄